



**OPĆINA NOVI GRAD SARAJEVO
OPĆINSKO VIJEĆE**

P O Z I V

**ZA 20. SJEDNICU OPĆINSKOG VIJEĆA
NOVI GRAD SARAJEVO SA MATERIJALIMA**

SARAJEVO, novembar 2018. godine



Broj:01-02-_____/18
Sarajevo, 13.11.2018. godine

Na osnovu člana 71. Poslovnika o radu Općinskog vijeća Novi Grad Sarajevo («Službene novine Kantona Sarajevo» broj 40/13 i 10/15), s a z i v a m

20. RADNU SJEDNICU OPĆINSKOG VIJEĆA NOVI GRAD SARAJEVO

Sjednica će se održati **29.11.2018.** godine sa početkom rada u **10.00 sati** u velikoj sali Općinskog vijeća na prvom spratu u zgradi Općine, Bulevar Meše Selimovića 97.

Za sjednicu predlažem sljedeći

DNEVNI RED

- | | |
|---|-----|
| 1. Prijedlog Izmjena i dopuna budžeta Općine Novi Grad Sarajevo za 2018. godinu | 19 |
| 2. Prijedlog odluka o dodjeli javnih općinskih priznanja u 2018. godini – Dan Općine Novi Grad Sarajevo | 79 |
| 3. Prijedlog Odluke o usvajanju Izmjena i dopuna Regulacionog plana “Briješće” – usaglašavanje saobraćajnog rješenja sa RP “Sokolje” (Skraćeni postupak) sa Odlukom o provođenju Izmjena i dopuna Regulacionog plana “Briješće” – usaglašavanje saobraćajnog rješenja sa RP “Sokolje” (Skraćeni postupak) | 103 |
| 4. Nacrt Programa rada Općinskog vijeća Novi Grad Sarajevo za 2019. godinu | 117 |
| 5. Informacija o ostvarenim pravima na banjsko-klimatsko liječenje boraca-branitelja BiH u 2017. godini | 129 |
| 6. Prijedlozi Odluka i Rješenja iz imovinsko-pravne oblasti | 137 |
| 7. Vijećnička pitanja i inicijative | 169 |

PREDSJEDAVAJUĆI
OPĆINSKOG VIJEĆA

dr. Rusmir Baljić, s.r

Pozivam vijećnike da prisustvuju sjednici, a eventualnu spriječenost najave na telefon 291-130.



Bosna i Hercegovina
Federacija Bosna i Hercegovina
Kanton Sarajevo Grad Sarajevo
OPĆINA NOVI GRAD SARAJEVO
- OPĆINSKO VIJEĆE -

Broj: 01-02-20567/18
Sarajevo, 25.10.2018. godine

Na osnovu člana 105. Poslovnika o radu Općinskog vijeća Novi Grad Sarajevo (Službene novine Kantona Sarajevo br. 40/13 i 10/15), vodi se:

Z A P I S N I K

sa 19. redovne sjednice Općinskog vijeća Novi Grad Sarajevo
održane 25.10.2018. godine sa početkom rada u 10.00 sati

Sjednicom je predsjedavao: Rusmir Baljić, predsjedavajući Općinskog vijeća Novi Grad Sarajevo Tonski zapis vodio: Mensur Tanović

Predsjedavajući Općinskog vijeća Novi Grad Sarajevo Rusmir Baljić otvorio je 19. redovnu sjednicu Općinskog vijeća, uputio pozdrave prisutnima, te konstatovao da je u sali trenutno prisutno 23 vijećnika, i to:

Rusmir Baljić, Edina Gabela, Nejra Džanko, Muhamed Šehović, Adnan Gušo, Elida Pehilj, Sead Junuz, Edita Šandal, Nazif Osmanović, Fikret Kereš, Elza Gaković, Mirza Trhulj, Lana Velić, Adnan Podžo, Enisa Spahić, Ibrahim Obhodaš, Vernes Ćosić, Sanela Holjan, Samir Čajić, Sanjin Saračević, Elvis Hodžić, Hasan Hodžić, Mira Jurić

Opravdano kašnjenje najavili vijećnici: Toni Vukadin, Ifet Mahmutović, Amela Topuz Bajramović, Omar Himzanija, Bajro Biber, Jasmin Šaljić, Mirza Selimbegović, Mirza Memišević

Sjednici su se naknadno pojedinačno pridružili svi vijećnici koji su najavili opravdano kašnjenje.

Pored vijećnika, sjednici su prisustvovali:

- Semir Efendić, Općinski načelnik
- Elvir Kosovac, sekretar Općinskog vijeća
- Mersa Kustura, sekretarka Uprave
- Emir Dedović, pomoćnik Općinskog načelnika
- Šaćira Mrndić, pomoćnica Općinskog načelnika
- Sanel Kasapović, pomoćnik Općinskog načelnika
- Tajib Delalić, pomoćnik Općinskog načelnika
- Aida Rizvanović, pomoćnica Općinskog načelnika
- Fahrudin Kazazović, pomoćnik Općinskog načelnika
- Džemaludin Kahrović, pomoćnik Općinskog načelnika
- Alen Zorlak, v.d. pomoćnika Općinskog načelnika
- Senka Gafić, pomoćnik Općinskog načelnika
- Ferid Nakić, Glavni inspektor
- Adnan Kečo, Općinski pravobranilac

Sjednici kao gosti prisustvovali:

- predstavnici političkih stranaka/partija
- predstavnici sredstava javnog informisanja

Nakon intoniranja državne himne, Rusmir Baljić, predsjedavajući Općinskog vijeća, je konstatovao da je prisutan dovoljan broj vijećnika (kvorum) za punovažno odlučivanje.

ZAPISNIK

Rusmir Baljić, predsjedavajući Općinskog vijeća, je otvorio diskusiju o zapisniku sa prethodne 18. sjednice Općinskog vijeća.

S obzirom da sudionika u diskusiji nije bilo, na poziv Rusmira Baljića, predsjedavajućeg Općinskog vijeća, vijećnici su se izjasnili o zapisniku sa prethodne sjednice na sljedeći način

ZA	22
PROTIV	0
SUZDRŽAN	0

Nakon glasanja je konstatovano da je zapisnik sa 18. sjednice Općinskog vijeća jednoglasno usvojen.

DNEVNI RED

Rusmir Baljić, predsjedavajući Općinskog vijeća, upoznao je vijećnike sa prijedlogom dnevnog reda ove sjednice, nakon čega je otvorio diskusiju.

Rusmir Baljić, predsjedavajući Općinskog vijeća, s obzirom da sudionika u diskusiji nije bilo, pozvao je vijećnike da se izjasne o prijedlogu dnevnog reda za ovu sjednicu Općinskog vijeća, koji su glasali na sljedeći način

ZA	23
PROTIV	0
SUZDRŽAN	0

Nakon glasanja je konstatovano da je prijedlog dnevnog reda za ovu sjednicu Općinskog vijeća jednoglasno usvojen kako slijedi:

DNEVNI RED 19. SJEDNICE OPĆINSKOG VIJEĆA NOVI GRAD SARAJEVO

1. Informacija o izvršenju Budžeta za period 01.01. – 30.09.2018. godine
2. Nacrt Budžeta Općine Novi Grad Sarajevo za 2019. godinu
3. Prijedlog Odluke o odabiru najpovoljnije ponude na javnom pozivu za zakup poljoprivrednog zemljišta u vlasništvu države na području općine Novi Grad Sarajevo
4. Prijedlog Odluke o pristupanju izradi Izmjena i dopuna Regulacionog plana "Vitkovac" – izgradnja naseljske saobraćajnice na k.č. 873/1 K.O. Novo Sarajevo IV (skraćeni postupak)
5. Nacrt Odluke o izmjenama i dopunama Odluke o provođenju RP "Briješće"
6. Prijedlog Odluke o stavljanju van snage Odluke o pristupanju izradi Izmjena i dopuna Regulacionog plana "Gras" Tramvajski depo – Javna punionica CNG gasa (skraćeni postupak)
7. Izvještaj o realizaciji Odluke o stipendiranju učenika i studenata sportista za školsku 2017/18.
8. Izvještaj o održanoj tradicionalnoj manifestaciji "Novogradski dani 2018"
9. Informacija o rezultatima sportskih klubova sa područja općine na kraju takmičarske sezone
10. Informacija o uslovima rada u ustanovama za predškolski odgoj i obrazovanje na početku školske godine
11. Informacija o radu Centra za rani dječiji rast i razvoj
12. Informacija o izgradnji i stanju spomen-obilježja na području općine Novi Grad Sarajevo
13. Informacija o stanju klizišta na području općine Novi Grad Sarajevo sa aspekta Civilne zaštite
14. Informacija o uspjehu učenika u osnovnim školama na kraju 2017/18. školske godine
15. Prijedlozi odluka i rješenja iz imovinsko-pravne oblasti
16. Vijećnička pitanja i inicijative

TOK SJEDNICE

1. TAČKA: Informacija o izvršenju Budžeta za period 01.01. – 30.09.2018. godine

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

Emir Dedović, pomoćnik Općinskog načelnika, je izrazio zadovoljstvo zbog 70% realizacije prihoda bez prenesenih sredstava, s tim da je dodao kako nisu svi prihodi ispunjeni iako su sa strane Općine izvršene sve obaveze, te je rekao da porez na nepokretnosti nije na zadovoljavajućem nivou, kao i naknade za zemljište, ali da do kraja godine ima možda postoji mogućnost da se to nadoknadi. Naglasio je da je značajno izvršenje na PDV-u, odnosno da su se iznenadno pojavila dodatna sredstva kao rezultat novog zakona o akcizama, ali bez uputstva za njihovu realizaciju. Pojasnio je i potrebu boljeg upravljanja u oblasti poreza na iznajmljivanje stanova i kuća, što bi trebao biti prihod Općine. U vezi sa rashodima je rekao da finansiranje projekata nije dovedeno u pitanje, ali da se najviše vremena troši na pripremu dokumentacije i tenderske procedure, izazivši nezadovoljstvo neefikasnim zakonskim rješenjima koja usporavaju realizaciju kapitalnih projekata, uz što je dodao da ni institucije na višim nivoima nekad ne pokazuju dovoljno saradnje. Naglasio je da je Općina završila sve obaveze iz svoje nadležnosti, da je likvidnost neupitna ali nije bilo objektivne mogućnosti bolje potrošnje, te je naveo kapitalne projekte koji su ili završeni li su u toku realizacije. Naročito je istakao potrebu poboljšanja zakonskih rješenja i procedura nakon čega će učinkovitost realizacija budžeta sigurno biti znatno bolja.

Vijećnik Vernes Čosić je postavio pitanje nedostajućih 400.000 KM za završetak adaptacija DZ Otoka, odnosno da li su to sredstva koja treba osigurati Općina i da li će to biti planirano budžatom za 2019. godinu.

Vijećnik Sanjin Saračević je ocijenio da je prenos sredstava 13,4 miliona prevelik, i da je na izvršenju to zapravo samo 50%, postavivši pitanje hoćemo li imati još uvećan prenos i u narednu godinu što pokazuje stalan ras prenesenih sredstava. Ustvrdio je i da nacrt budžeta za 2019. godinu nije realan, da je 30% prenesenih sredstava, a to sve ukazuje da se ne planira dobro. Pitao je zašto je to tako i ima li potrebe za rebalansom s obzirom i na kratke rokove jer se ne mogu planirati novi projekti. Primijetio je i potrebu uvažavanja sugestija opzicije koja nema uvid u realizaciju budžetskih sredstava.

Vijećnik Ibrahim Obhodaš je primijetio da je uvijek isto objašnjenje u vezi sa prenosom sredstava, te je skrenuo pažnju na slabu realizaciju sredstava za subvenciju zapošljavanja, ocijenivši da se službe ne trude dovoljno u tom domenu, da nema ideja i da tu treba nešto konkretnije uraditi jer ispaštaju građani.

Emir Dedović, pomoćnik Općinskog načelnika, je ponovio razlog prenosa sredstava i njihovu rezervaciju za projekte kojima su namijenjeni – ovdje je problem kašnjenja njihove realizacije zbog neefikasnih zakona i procedura, odnosno partnerskih institucija na višim nivoima. Zatražio je podršku u iniciranju izmjene zakonskih odredbi jer od njih zavisi učinkovitost realizacije kapitalnih projekata.

U vezi sa konačnim završetkom sanacije i adaptacije DZ Otoka je rekao da je Općina preuzela na sebe da završi posao, inače bi to bilo vrlo upitno, dodavši da je u ovom projektu bilo mnogo problema i usporavanja, a da je spomenutih 400.000 KM dug Kantona, kojeg će preuzeti Općina ako ga oni ne mogu servisirati.

Vijećnik Ibrahim Obhodaš je predložio da Vijeće sa pravnom službom inicira set zakonskih rješenja kako bi se uklonile barijere koje uzrokuju usporavanje realizacije projekata.

S obzirom da sudionika u diskusiji više nije bilo, Rusmir Baljić, predsjedavajući Općinskog vijeća, je konstatovao da je Informacija o izvršenju Budžeta za period 01.01. – 30.09.2018. godine primljena na znanje.

2. TAČKA: Nacrt Budžeta Općine Novi Grad Sarajevo za 2019. godinu

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju, i dodao da će nakon usvajanja ovog nacrtu uslijediti javna rasprava u kojoj će moći sudjelovati svi zainteresovani subjekti.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	28
PROTIV	0
SUZDRŽAN	0

Nakon glasanja je konstatovano da je jednoglasno usvojen sljedeći:

Zaključak

Utvrđuje se Nacrt budžeta Općine Novi Grad Sarajevo za 2019. godinu u predloženom tekstu i stavlja u javnu raspravu u trajanju od 21 dan, a koji će se objaviti u dnevnoj štampi i WEB stranici Općine.

Subjekti javne rasprave su općinske službe, mjesne zajednice, klubovi općinskih vijećnika, politički subjekti čiji vijećnici sudjeluju u radu Općinskog vijeća i druge zainteresovane organizacije i zajednice.

Nosilac javne rasprave je Služba za finansije.

3. **TAČKA:** Prijedlog Odluke o odabiru najpovoljnije ponude na javnom pozivu za zakup poljoprivrednog zemljišta u vlasništvu države na području Općine Novi Grad Sarajevo

Rusmir Baljić, predsjedavajući Općinskog vijeća, je najavio predmetnu tačku dnevnog reda, i nakon uvodnog izlaganja, otvorio diskusiju.

Vijećnica Lana Velić je postavila pitanje kada je nadležna komisija dostavila odluku Ministarstvu i ko su članovi te komisije, primijetivši da je riječ o ratarskoj ili voćarskoj djelatnosti, pri čemu se na konkurs prijavio JP Lokom, a u vezi sa čim je zatražila obrazloženje.

Džemaludin Kahrović, pomoćnik Općinskog načelnika, najprije je upoznao Vijeće da se održava sajam turizma u Skenderiji, pozvavši vijećnike da posjete štand naše općine, te je podsjetio da je Vijeće u dva navrata razmatralo predmetnu temu, data je podrška za daljnje procedure i formiranje komisije od stručnih osoba. Pojasnio je da JP Lokom u opisu svojih djelatnosti ima i bavljenje spomenutim djelatnostima, a u septembru je odluka dostavljena Ministarstvu na saglasnost.

Vijećnik Hasan Hodžić je postavio pitanje visine zakupnine – 10 dunuma za 100 KM na godišnjem nivou, ocijenvši da je to onda trebalo dati bez naknade jer vrijedamo one koji imaju svoju zemlju.

Džemaludin Kahrović, pomoćnik Općinskog načelnika, je odgovorio da je cijena utvrđena federalnim zakonom jer svrha nije ekonomske prirode nego korištenja zemlje koja se smatra nacionalnim dobrom. Dodao je da ima dosta nelogičnosti u propisu poput odredbe da kantonalno ministarstvo potpisuje ugovor sa zakupcima iako je zemljište općinsko i sav posao provodi Općina, ali da a ko bi monitoring bio dobar, ovaj bi projekat mogao biti i svrsishodan.

Semir Efendić, Općinski načelnik, je postavio pitanje na koji period se zemljište daje u zakup, dobivši odgovor da je to 5 godina, te može li se inicirati promjena propisa jer očito ima nelogičnosti.

S obzirom da sudionika u diskusiji više nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	20
PROTIV	0
SUZDRŽAN	5

Nakon glasanja je konstatovano da je većinom glasova usvojen sljedeći:

Zaključak

Usvaja se Prijedlog Odluke o odabiru najpovoljnije ponude na javnom pozivu za zakup poljoprivrednog zemljišta u vlasništvu države na području Općine Novi Grad Sarajevo.

4. TAČKA: Prijedlog Odluke o pristupanju izradi Izmjena i dopuna Regulacionog plana "Vitkovac" – izgradnja naseljske saobraćajnice na k.č. 873/1 K.O. Novo Sarajevo IV (skraćeni postupak)

Rusmir Baljić, predsjedavajući Općinskog vijeća, je najavio predmetnu tačku dnevnog reda, i nakon uvodnog izlaganja je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	19
PROTIV	0
SUZDRŽAN	6

Nakon glasanja je konstatovano da je većinom glasova usvojen sljedeći:

Zaključak

Usvaja se Prijedlog Odluke o pristupanju izradi Izmjena i dopuna Regulacionog plana "Vitkovac" – izgradnja naseljske saobraćajnice na k.č. 873/1 K.O. Novo Sarajevo IV (skraćeni postupak).

5. TAČKA: Nacrt Odluke o izmjenama i dopunama Odluke o provođenju RP "Briješće"

Rusmir Baljić, predsjedavajući Općinskog vijeća, je najavio predmetnu tačku dnevnog reda, i nakon uvodnog izlaganja je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	23
PROTIV	0
SUZDRŽAN	0

Nakon glasanja je konstatovano da je jednoglasno usvojen sljedeći:

Zaključak

Utvrđuje se Nacrt Odluke o izmjenama i dopunama Odluke o provođenju Regulacionog plana „Briješće“ u predloženom tekstu koji se stavlja u javnu raspravu u trajanju od 20 dana.

Subjekti javne rasprave su: Ministarstvo prostornog uređenja, građenja i zaštite okoliša Kantona Sarajevo, Ministarstvo saobraćaja Kantona Sarajevo, Grad Sarajevo, Zavod za planiranje razvoja Kantona Sarajevo, Općina Novi Grad Sarajevo, mjesne zajednice i drugi zainteresovani subjekti.

Nosilac Javne rasprave je Služba za urbanizam, stambene, imovinsko-pravne, geodetske poslove i katastar nekretnina Općine Novi Grad Sarajevo.

6. TAČKA: Prijedlog Odluke o stavljanju van snage Odluke o pristupanju izradi Izmjena i dopuna Regulacionog plana "Gras" Tramvajski depo – Javna punionica CNG gasa (skraćeni postupak)

Rusmir Baljić, predsjedavajući Općinskog vijeća, je najavio predmetnu tačku dnevnog reda, i nakon uvodnog izlaganja je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	22
PROTIV	0
SUZDRŽAN	3

Nakon glasanja je konstatovano da je većinom glasova usvojen sljedeći:

Zaključak

Usvaja se Prijedlog Odluke o stavljanju van snage Odluke o pristupanju izradi Izmjena i dopuna Regulacionog plana "Gras" Tramvajski depo – Javna punionica CNG gasa (skraćeni postupak).

7. TAČKA: Izvještaj o realizaciji Odluke o stipendiranju učenika i studenata sportista za školsku 2017/18.

Rusmir Baljić, predsjedavajući Općinskog vijeća, je najavio predmetnu tačku dnevnog reda, i nakon uvodnog izlaganja je otvorio diskusiju.

Fahra Zvizdić, ispred Službe za obrazovanje, je kao član Komisije, pojasnila provedene procedure, i izvijestila da je Komisija razmotrila svih 46 prijava, izvršila bodovanje, te je utvrdila i nepravilnosti u potvrdama Plivačkog saveza zbog čega je u dva navrata zatražila pojašnjenje u vezi sa postojanjem tri državna prvenstva na kojima su tri različita takmičara osvojila prvo mjesto. Naknadno je zbog nesuglasja među članovima Komisije zatraženo od Načelnika da sačini listu dobitnika stipendija, pri čemu se rukovodilo interesom djece. Plivački savez je je dao obrazloženje kako imaju pravilnik o održavanju tri državna prvenstva. Dodala je i da je na poziciji za ove namjene ostalo viška sredstava, te da je bilo žalbi od kojih su neke uvažene. Na kraju je rekla da se ove godine dodjeljuje 18 stipendija.

Vijećnik Adnan Gušo je pojasnio da nije protiv da sva tri nositelja državnog prvaka u plivanju budu stipendirana, ali da se pravilnik mora poštovati, odnosno da se moraju znati jasna pravila, jer ne mogu postojati tri prvaka u istom sportu, u istoj kategoriji i istoj godini, te je nevjerovatno da Plivački savez nije u stanju reći ko je državni prvak.

Vijećnik Adnan Podžo je reako da nije bilo nesuglasja među članovima Komisije, da je bilo neurednih prijava koje su odmah odbačene, dodavši da je Plivački savez slabo organizovan i ne pokazuje spremnost za saradnju. Ocijenio je da Služba i Komisija za sport i kulturu trebaju za narednu godinu pripremiti bolje definisan javni poziv.

Vijećnik Ifet Mahmutović je primijetio da dobitnici nisu razvrstani na đake i studente, te je objasnio šta znači kvalifikacija vrhunski sportista – to znači reprezentativni nastup. Također je ocijenio da da se dokumenti ne mogu donositi bez saglasnosti Vijeća, te da Pravilnik osim što nije ispoštovan, nije ni dobar, te je najavio da će pri izjašnjavanju biti suzdržan.

Vijećnik Hasan Hodžić je izrazio neslaganje sa ponuđenim materijalom jer su zastupljeni samo neki sportovi, zatraživši da se pravilnik izmijeni i da se ne stipendiraju vrhunski sportisti nego da se odredi interes za Općinu i po tri uspješna ili talentovana iz svakog sporta i sa područja općine. Također je rekao da svi koji su uopće aplicirali zaslužuju stipendiju i ako nedostaje sredstava da se ona osiguraju rebalansom budžeta.

Rusmir Baljić, predsjedavajući Općinskog vijeća, je dodao ukoliko bude rebalans budžeta da budu stipendirani i ovi koji ispunjavaju uslove.

Vijećnik Adnan Gušo je rekao da se takvim relativiziranjem gubi smisao postojanja i pravilnika i kriterija za bodovanje. Pravilnik se uvijek može doraditi ili korigovati ali se i mora primjenjivati onakav kakav je važeći – tekvandoisti su reprezentativni sportovi sa evropskim i svjetskim uspjesima i ispunjavaju uvjete pravilnika. Dodao je još da je jedina njegova zamjerka bila u kontekstu tri državna prvaka u plivanju.

Vijećnik Hasan Hodžić je ocijenio neprihvatljivim da su svi stipendisti iz pojedinačnih i to borilačkih sportova ili plivanja, te da nema kolektivnih: košarke, fudbala, rukometa... Izričito je zatražio izmjenu pravilnika podsjećajući da je stipendija namijenjena djetetu.

Vijećnik Adnan Gušo je objasnio da dijete od 14 godina može aplicirati za stipendiju, ali da npr. FK Biser nema takvu djecu.

Vijećnik Mirza Trhulj je primijetio da prostora za izmjenu pravilnika ima, te da se po metodologiji vrhunski sport odnosi na rezultate na svjetskom nivou, ali je u pravilniku to samo pogrešno navedeno, dodavši da bi kolektivnim sportovima također trebalo dati više značaja u kojima pojedinci mogu biti talenti ali ne mogu se staviti među ovako utvrđene kriterije.

Rusmir Baljić, predsjedavajući Općinskog vijeća, je predložio da Služba i Komisija za sport i kulturu nađu najbolji model za uključivanje sve talentovane djece.

Vijećnik Ifet Mahmutović je rekao da se postojeći pravilnici trebaju poštovati, ističući problem nedostatka sredstava za stipendiranje, odnosno slaba budžetska izdvajanja, koja su trebala biti mnogostruko veća s obzirom na visinu budžeta ove općine. Također je naglasio potrebu kategorizacije sportista ne po kriteriju vrhunskog sportiste nego po perspektivnosti – takve djece sigurno ima jako mnogo i njima se treba osigurati stipendija makar kao motivacioni faktor, ali to znači da se mora povećati i budžetska stavka. Dodao i da se inače u sportskoj kategorizaciji uvijek ide od vrha pa se cijeni činjenica je li neki savez prihvaćen od MOK-a.

Vijećnik Samir Čajić je postavio pitanje šta je sa djecom uzrasta 10,12,13 godina, za koju bi također trebalo biti zainteresovanosti, te je zatražio da se za narednu godinu poveća budžet za stipendiranje i da načelnik pokaže razumijevanje.

Vijećnik Adnan Gušo je zahvalio na diskusiji i zatražio da Služba pokrene izmjene i dopune postojećeg pravilnika za stipendiranje nadarenih sportista.

S obzirom da sudionika u diskusiji više nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	27
PROTIV	0
SUZDRŽAN	0

Nakon glasanja je konstatovano da je jednoglasno usvojen sljedeći:

Zaključak

1.Usvaja se Izvještaj o realizaciji Odluke o stipendiranju učenika i studenata sportista za školsku 2017/18.

2. Zadužuje se nadležna Služba i Komisija da izvrše izmjene i dopune Pravilnika o stipendiranju učenika i studenata sportista sa područja Općine Novi Grad Sarajevo, prije objave Konkursa za stipendiranje učenika i studenata sportista sa područja Općine Novi Grad Sarajevo za narednu godinu.

8. TAČKA: Izvještaj o održanoj tradicionalnoj manifestaciji “Novogradski dani 2018”

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	26
PROTIV	0
SUZDRŽAN	0

Nakon glasanja je konstatovano da je jednoglasno usvojen sljedeći:

Zaključak

Usvaja se Izvještaj o održanoj tradicionalnoj manifestaciji “Novogradski dani 2018”.

9. TAČKA: Informacija o rezultatima sportskih klubova sa područja općine na kraju takmičarske sezone

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, je konstatovao da je Informacija o rezultatima sportskih klubova sa područja općine na kraju takmičarske sezone primljena na znanje.

10. TAČKA: Informacija o uslovima rada u ustanovama za predškolski odgoj i obrazovanje na početku školske godine

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, je konstatovao da je Informacija o rezultatima sportskih klubova sa područja općine na kraju takmičarske sezone primljena na znanje.

11. TAČKA: Informacija o radu Centra za rani dječiji rast i razvoj

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, je konstatovao da je Informacija o radu Centra za rani dječiji rast i razvoj primljena na znanje.

12. TAČKA: Informacija o izgradnji i stanju spomen-obilježja na području općine Novi Grad Sarajevo

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

Vijećnik Samir Čajić je postavio pitanje u vezi sa podizanjem spomen-obilježja Dobrinjskoj brigadi i jedinstvenog spomenika na Žuči. Inicirao je i izradu pravilnika o održavanju ovih obilježja do naredne sjednice Vijeća.

Vijećnik Hasan Hodžić je rekao da Gradsko vijeće ima elaborat, te je predložio izmještanje spomen-obilježja Smaji Šikalu u školslo dvorište jer je sadašnja lokacija neprimjerena.

Tajib Delalić, pomoćnik Općinskog načelnika, je rekao da su sredstva za spomen-obilježje Dobrinjskoj brigadi osigurana te da je u toku odabir adekvatne lokacije, a u vezi sa spomenikom na Žuči je pojasnio da je Općina bila pokretač i jedina koja je ostala u punom kapacitetu posvećena tom projektu, da je konačni projekat urađen i u fazi je građevinske dozvole. Opredjeljenje je neupitno i biće sigurno realizovan projekat bez obzira što Ministarstvo i Fond memorijala nemaju toliki interes. U vezi sa održavanjem spomen-obilježja je pojasnio da bi elaborat mogao biti sačinjen, te da JP Lokom ima kapacitet za obavljanje tog posla, uz što je podsjetio i na dugogodišnji problem podizanja spomen-obilježja braći Kadić zbog nemogućnosti da se odredi adekvatna lokacija na mjestu stradanja, ali da bi možda dvorište OŠ Umihana Čuvidina moglo biti rješenje.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, je konstatovao da je Informacija o izgradnji i stanju spomen-obilježja na području općine Novi Grad Sarajevo primljena na znanje.

13. TAČKA: Informacija o stanju klizišta na području općine Novi Grad Sarajevo sa aspekta Civilne zaštite

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, je konstatovao da je Informacija o stanju klizišta na području općine Novi Grad Sarajevo sa aspekta Civilne zaštite primljena na znanje.

14. TAČKA: Informacija o uspjehu učenika u osnovnim školama na kraju 2017/18. školske godine

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, je konstatovao da je Informacija o uspjehu učenika u osnovnim školama na kraju 2017/18. školske godine primljena na znanje.

15. TAČKA: Prijedlozi odluka i rješenja iz imovinskopravne oblasti

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

S obzirom da sudionika u diskusiji nije bilo, Rusmir Baljić, predsjedavajući Općinskog vijeća, pozvao je vijećnike da se izjasne o predmetnom materijalu, koji su glasali na sljedeći način

ZA	17
PROTIV	0
SUZDRŽAN	8

Nakon glasanja je konstatovano da je većinom glasova usvojen sljedeći:

Zaključak

Usvajaju se prijedlozi odluka i rješenja iz imovinskopravne oblasti štampani u materijalu za 19. sjednicu Općinskog vijeća.

16. TAČKA: Vijećnička pitanja i inicijative

Rusmir Baljić, predsjedavajući Općinskog vijeća, je najavio predmetnu tačku dnevnog reda, nakon čega je otvorio diskusiju.

Vijećnik Sanjin Saračević je predložio da se od CIK-a zatraži poništenje izbora na području naše općine zbog mnogobrojnih neregularnosti, kao i razrješenje OIK-a, o čemu je zatražio izjašnjenje Općinskog vijeća.

Rusmir Baljić, predsjedavajući Općinskog vijeća, je rekao da prvo treba sačekati objavu zvaničnih rezultata izbora, odnosno da OIK dostavi izvještaj.

Vijećnik Sanjin Saračević je rekao da sa ovim danom završava rok podnošenja žalbi ili traženje smjene OIK-a ili poništavanja izbora, dodavši da su politički subjekti imali značajne primjedbe i da je u fokusu negativnih konotacija bila upravo naša općina.

Rusmir Baljić, predsjedavajući Općinskog vijeća, je podsjetio da se neovisno o stavu Vijeća može podnijeti žalba, a da će se o radu OIK-a govoriti na sjednici na čijem dnevnom redu bude Izvještaj o provedeni izborima.

Na poziv Rusmira Baljića, predsjedavajućeg Općinskog vijeća, vijećnici su glasali o prijedlogu da se od CIK-a zatraži poništenje izbora na području naše općine zbog mnogobrojnih neregularnosti, koji su glasali na sljedeći način: ZA je bilo 13, PROTIV 0, SUZDRŽANIH 11 vijećnika – konstatovano je da prijedlog ije dobio potrebnu većinu glasova i nije usvojen.

Vijećnica Mira Jurić je predložila da se odlukom Vijeća Ismailu, invalidnom dječaku sportisti, finansira školovanje budući da ne može dobiti sportsku stipendiju jer je iz Zenice. Ovaj prijedlog je jednoglasno (28) usvojen.

Vijećnik Ifet Mahmutović je obavijestio da će, u kontekstu odluka donesenih na Općinskom vijeću i svih podnesenih inicijativa Kluba vijećnika SBB na koje nikad nije dostavljen odgovor ili se po njima nije postupalo, ubuduće podnositi krivične prijave zbog zloupotrebe položaja i dezavuisanja ovog kluba.

Vijećnik Hasan Hodžić je podsjetio da političke partije imaju svoja prava, ali da ne bi trebale koristiti Vijeće kao kolektivni organ za postizanje svojih ciljeva. Dodao je da su pravila žalbe jasna, prisjećajući se izbora u mjesnim zajednicama, uz napomenu da se izborni proces ne svodi jednog čovjeka - predsjednika OIK-a.

Vijećnik Jasmin Šaljić je iznio zamjerku na predsjednika OIK-a jer je odgovoran što su eliminisani svi posmatrači stranke BPS, navodno jer nisu položili testove.

Vijećnik Mirza Selimbegović je podsjetio da su izbori u mjesnim zajednicama bili građanski, ali da su stranke bile aktivne, te da nije bilo omogućeno regularno provođenje izbornog procesa, odnosno posmatračima nije bilo dopušteno ni tada a ni ovaj put da rade svoj posao. Predsjednik OIK-a je bio u kontaktu sa političkim subjektima, pa je u nekim situacijama bio i korektan.

Vijećnik Samir Čajić je podnio inicijativu da se, prilikom njegove izmjene i dopune, i djeca ispod 14 godina uvrste u pravilnik o stipendiranju sportista, te je postavio pitanje probijanja budžeta namijenjenog Novogradskim danima.

Vijećnik Toni Vukadin je zatražio da se diskutuje o nekome ko nije prisutan (predsjednik OIK-a), te je podnio inicijativu preispitivanja davanja privatnim subjektima na korištenje parkinga na Ali-pašinom Polju bez naknade.

Vijećnica Edina Gabela je izrazila čestitke načelniku Semiru Efendiću na ostvarenom izbornom uspjehu, te dodala da će o OIK-u biti riječ kada se njihov izvještaj nađe na dnevnom redu sjednice.

Semir Efendić, Općinski načelnik, je rekao da je naša država utemeljena na demokratskom principu, da je CIK samostalna i nezavisna institucija koja radi po utvrđenim pravilima kao i u svijetu, te da se uvijek mogu naći nepravilnosti tehničke prirode, ali ne i principijelne – izborna krađa nije moguća. Međutim, takvom retorikom se tjeraju mladi iz ove zemlje – ubjeđuje ih se da im je ukradeno pravo, neuk narod lako povjeruje. Posmatrači imaju svoju važnu ulogu – zato je krađa nemoguća, moguća je samo volja naroda. Također je neodgovorno dovoditi u pitanje kapacitet provođenja izbornog procesa, ali propusti koji su utvrđeni trebaju biti sankcionisani adekvatno njihovoj težini. Dovodjenjem u pitanje izbora, dovodimo u pitanje državu – to SDA nije radila kada je gubila, nego je analizirala svoje propuste. O izvještaju OIK-a će Vijeće diskutovati na nekoj narednoj sjednici, dodajući da je tražio od predsjednika OIK-a da se zamijeni sa nekim od ostalih članova, ali on to nije htio. Podsjetio je i da postoji utvrđena procedura smjene OIK-a ili njenog člana ili predsjednika, tako da Vijeće tu nema nadležnosti.

Rusmir Baljić, predsjedavajući Općinskog vijeća, je iz sopstvenog iskustva ustvrdio da izborna krađa nije moguća, ali je moguće podnijeti žalbu ako postoji bilo kakva sumnja da je propust načinjen.

Vijećnik Ifet Mahmutović je zatražio da se poštuje Poslovnik i podsjetio da je Općinski načelnik gost Općinskog vijeća te je mogao diskutovati pod nekom drugom tačkom, ali ne i ovom, nakon čega je rekao da se ne može pozivati na državu iz konteksta SDA – uz dužno poštovanje prema toj stranci. Obrazložio je da vijećnici imaju znanja i iskustva, te traže jedino da utvrđeni sistemi budu jedini obrazac funkcionisanja.

Vijećnik Sanjin Saračević je podsjetio da je inicijativu podnio zbog isteka roka, te je u smislu ispravke krivog navoda rekao da Načelnik nije u pravu kada je inicijativu okarakterisao kao atak na državu. Pojasnio je da je riječ o prozivci i sankcionisanju organa koji su provodili izbore, te da se niko ne može sakrivati iza države ako je uradio nešto što nije u redu. Dodao je da Načelnik ni ne treba da se osjeća prozvanim jer je bio sudionik na izborima i tu se njegova odgovornost završava.

Vijećnik Hasan Hodžić je, u kontekstu diskusija na račun predsjednika OIK-a, skrenuo pažnju da izborni rezultati ne mogu zavisiti od jednog čovjeka.

Ostala vijećnička pitanja i inicijative su zaprimljene e-mailom:

a) Vijećničke inicijative

-vijećnik Muhamed Šehović -

Podnosim inicijativu da se na stepenicama, na glavnom ulazu u Općinu postave rukohvati kako bi se olakšao ulazak u Općinu starijih osoba.

- vijećnica Mira Jurić –

Pokrećem inicijativu da se donese Odluka od strane Općinskog vijeća da se Ismailu Zulfiću iz Zenice odobri stišendija na osmogodišnje školovanje obzirom da prema Pravilniku o stidendiranju imenovani ne može dobiti stipendiju jer nije sa područja Općine Novi Grad Sarajevo.
(Inicijativa jednoglasno podržana od strane Općinskog vijeća)

-Vijećnik Samir Čajić –

1. Podnosim inicijativu da se izmjeni Pravilnik o stipendiranju sportista, kako bi se u isti uvrstila djeca ispod 14. godina.

2. Podnosim inicijativu da se napravi Pravilnik o izgradnji, rekonstrukciji i održavanju spomen obilježja i spomenika na području Općine Novi Grad Sarajevo

-vijećnik Toni Vukadin -

Podnosim inicijativu da se preispita Odluka o davanju parking mjesta poslovnim subjektima na Alipašinom polju A1, jer je činjenica da je tamo 40% parkinga dato besplatno na korištenje, te građani ne mogu parkirati u toku dana.

-klub vijećnika Naše Stranke –

1. INICIJATIVA ZA OBJAVU LISTE ULICA PO PRIPADAJUĆIM MJESNIM ZAJEDNICAMA NA ZVANIČNOJ WEB STRANICI NOVOG GRADA

Obrazloženje prijedloga inicijative:

Svakodnevno smo svjedoci upita, nedoumica naših sugrađana kojoj mjesnoj zajednici pripada koja ulicom? Problem je veći ako ista ulica do određenog broja pripada jednoj mjesnoj zajednici, a od drugog broja drugoj mjesnoj zajednici pa su stanovnici zbunjeni pogotovu kada žele učestvovati u javnim raspravama po njima važnim pitanjima, te na taj način dati svoj doprinos. Do sada su se informisali odlaskom u najbližu mjesnu zajednicu ili na info šalteru općine.

Kako bi obostrano uštedili vrijeme, molimo da se objavi lista ulica po pripadajućim mjesnim zajednicama na zvaničnoj web stranici Općine Novi Grad.

2. INICIJATIVA ZA SANACIJU KLUPA ZA SJEDENJE I POSTAVLJANJE KANTI ZA OTPATKE U ULICI ANTE BABIĆA I ADIJA MULABEGOVIĆA

Obrazloženje prijedloga inicijative:

Zbog nepostojanja kanti za otpatke pored klupa za sjedenje, uz trotoar u ulici Ante Babića, sa obje strane ulice, nalazi se mnogo smeća što predstavlja ružnu sliku. Također, u ulici Adija Mulabegovića je dio klupa oštećen, popucali betonski nosači i polomljene daske za sjedene.

Molimo da se što prije postave kante za otpatke i saniraju, odnosno zamjene oštećene klupe kako bi naši sugrađani odmarali u ugodnijem okruženju.

3. INICIJATIVA ZA IZGRADNJU JAVNE ČESME POSVEĆENE KARLU IVANDIĆU

Obrazloženje prijedloga inicijative:

Od okončanja ratnih dejstava i agresije na naš grad, suborci, građani i prijatelji pokušavaju odati počast omiljenom borcu, sugrađanu, prijatelju i heroju Karlu Ivandiću koji je svoj život dao kako bi mi danas mogli da živimo u miru.

Naime, nikada nije realizovana niti jedna inicijativa, ime Karla Ivandića nikada se nije našlo među herojima, među borcima, među poginulima, a najčešće pod obrazloženjem „nije naš“.

U razgovorima koje smo vodili sa sugrađanima, posebno onima koje su djetinjstvo i ratne dane proveli uz Karla sjećaju ga se kao najbolje osobe koju su upoznali. Život je dao za ovaj grad, bio je omiljena ličnost u društvu, rođen i odrastao na području općine Novi Grad, u naselju Čengić Vila. Anegdote iz mladosti Karla Ivandića još uvijek se pričaju, prenose se kao legenda.

Karlo Ivandić rođen je 1. decembra 1973. godine u Sarajevu. Život je proveo u sadašnjoj ulici Gradačačka, nekada poznatoj kao Palmira Toljatija. Išao je u Osnovnu školu Petar Dokić, današnju Osman Nakaš. Nakon završetka osnovne škole odlazi u Kotor, kako bi nastavio školovanje u Srednjoj pomorskoj školi. Međutim, ubrzo je napušta jer ne može bez Sarajeva i sarajevske raje, te se nakon dvije godine vraća u Sarajevo.

Na početku oružane agresije na Republiku BiH, među prvima se dobrovoljno prijavljuje u Štab Teritorijalne odbrane, koji je bio smješten u istoj Osnovnoj školi koju završio nekoliko godina ranije, te je tim svojim činom podstakao i mnoge druge momke i dječake da se pridruže Oružanim snagama R BiH, jer je pokojni Karlo zbog svoje blage naravi, dobre duše i hrabrog srca bio uzor mnogima - ne samo svojim vršnjacima, nego svim istinoljubivim, pravednim i čestitim ljudima u naselju Čengić Vila i van njega.

Početak oružane agresije, Karlova majka i sestra odlaze u izbjeglištvo van Bosne i Hercegovine, dok Karlo ostaje u Sarajevu i aktivno učestvuje u svim borbenim operacijama na sarajevskom ratištu, gdje je pokazao neopisivu vještinu i hrabrost. Zbog tih svojih osobina bio je omiljen među saborcima i komandirima Specijalnih jedinica Armije RBiH.

Prilikom pada sarajevskog naselja Otes 4. decembra 1992. Godine, Karlo je smrtno pogođen metkom u glavu kada treći put vraćao po granatu za RPG, kojim je tog dana u borbama pogodio i uništio po jedan tenk i transporter. Nažalost, njegova i hrabrost njegovih saboraca nije bila dovoljna da se neprijatelj zaustavi i naselje sačuva, ali je njihova herojska borba omogućila mnogobrojnim civilima da naspuste Otes i povuku se prema gradu. Sahranjen je na Groblju „Lav“.

Značaj jedne ovakve inicijative je za sugrađane ogroman jer Karlo još uvijek živi među svojim komšijama, još uvijek je primjer kako se, ne samo bori za svoju državu i grad, nego kako se bori u životu.

Sjećanje na Karla ne smije da blijedi, posebno među mlađim sugrađanima kojima bi trebao biti primjer, zato pokrećemo inicijativu da heroj te veličine dobije nešto što mu po prirodi pripada. Naime, javnih česmi u našoj općini itekako fali, posebno na šetalištima koja su prometna, a kao predložene lokacije izdvojili bismo šetalište na Čengić Vili kod Bulevara Meše Selimovića, prema Energopetrol benzinskoj pumpi, gdje se računaju dva šetališta, jedan koji ide s prednje strane pumpe, i jedan sa stražnje strane. Druga lokacija bi bila odmah pored Mosta Kongresmena McCloskey.

Ovim gestom Općina i općinske vlasti napokon bi odale počast našem komšiji i heroju, radili bi na ujedinjavanju svih građana, za razliku od nekadašnje vlasti koja je razdvajala građana na „naše i njihove“. Svi smo mi naši i tako bi se trebali ponašati, Bosnu i Hercegovinu i Sarajevo nisu odbranili samo muslimani, Sarajevo je oduvijek multikulturalan grad, a vrijeme je da to i pokažemo.

Na javnoj česmi trebalo bi biti istaknuto ime Karlo Ivandić, a ispod imena da piše „Kap moje krvi poteče i Bosna ne presuši“.

U pripremanju ove inicijative učestvovali su stanovnici naselja Čengić Vila, navijači FK Sarajevo, kojeg je Karlo volio i bodrio na svakoj utakmici, prijatelji, porodica, maloljetni borci, ratni drugovi i poznanici. Svi oni bi rado učestvovali u otvorenju spomenika u obliku javne česme.

b) Vijećnička pitanja

-klub vijećnika Naše Stranke –

1. Prije izvjesnog vremena na zelenoj površini u ulici Antuna Branka Šimića su postavljena tri podzemna kontejnera. Iz urbanističke saglasnosti koja je izdata za ove radove smo informisani da je njihovo postavljanje privremeno do izgradnje podzemne garaže, a prema Regulacionom planu. Uvidom u RP Hrasno II i njegove Izmjene i dopune utvrdili smo da je ova zelena površina bez planirane podzemne ili nadzemne izgradnje.

S tim u vezi, molimo da nam se dostavi informacija u skladu sa kojom provedbeno-planskom dokumentacijom je navedena podzemna garaža koja se spominje i u Izmjenama i dopunama Strategije razvoja naše Općine (april 2017.), te da li je proveden proces Korekcije Regulacionog plana i ako je u kojem Službenom listu je ista objavljena, odnosno ukoliko nije da li je pokrenuta procedura Izmjena i dopuna pomenutog Regulacionog plana, a o čemu Općinsko vijeće nije informisano. U konačnici, budući da za postavljanje pomenutih kontejnera nije izdata građevinska dozvola molimo za informaciju na osnovu čega su radovi izvedeni i kada će biti finalizirani budući da trenutno nisu dovedeni u prihvatljivo i zadovoljavajuće stanje. Građani i građanke ove ulice izražavaju svoje negodovanje jer su i sami, u najvećoj mjeri učestvovali u uređenju ove zelene površine.

S obzirom da je dnevni red bio iscrpljen, predsjedavajući Općinskog vijeća, Rusmir Baljić zaključio je sjednicu u 12,30 sati.

S E K R E T A R
OPĆINSKOG VIJEĆA

Elvir Kosovac, dipl. pravnik

P R E D S J E D A V A J U Ć I
OPĆINSKOG VIJEĆA

Rusmir Baljić